

PASTATOWIN.

K. Kekwan ani pastatowin ?

N. Pastatowin eoko sa e anwetawaganiwitc
Kije Manito.

K. Tan etatwaiagak pastatowin kiranaw tibi-
rawe eji pastatiak ?

N. Nijwaiagan : Kije pastatowin gaie pastato-
winic.

K. Tan ejiriniwagak kije pastatowin ?

N. Kije pastatowin ki maskamigonanaw aia-
mie mirociciiwewin, gaie kakike ickotek ki wi-
kobitigonganaw.

K. Tantatwaw ke kije pastatite awiak atamas-
kamigok kitci ijate ?

N. Peiakwaw necta, kicpin eka note anweriti-
sotc ebwa maci nipotc.

K. Tan ejiriniwagak pastatowinicic ?

N. Pastatowinicic namawirata ki maskamigo-
nanaw aiamie mirociciiwewin, erowek memand-
jic wanadjitaw.

K. Tan etatiki meia pastatowina ?

N. Nijwatcinwa : sasekawin, maresiwin, nici-
picikwatisiwin, isawakeritamowin, okacakiwin,
kijiwasiwini, kitimiwin.

K. Kekwan ani sasekawin ?

N. Kicpin awiak osam nataweritake kitci api-
terimaganiwitc, peckic tabaterimate marerimate
gaie witc iriniwa, sasekaw iteritagosiw.